

ANA ITERANIBA ABAN TE BETEBEKE

TE RONGORONGO NI KAIRIIRI N TE AONO

Mwaakan te Reiakinaki

Iroun Unimwaane Paul R. Coward

Nongora man te kakauongo n te Ekaretia n ae taneiai iai te aba e kainnanoa te roroko ao te bwanaa ae tamaroa, ma te ongora ao te mataata e kainnanoa te katauraoi, te nano, ao te mwakuri n ara itera. E reirei Beretitenti Monson, “Te kakauongo tiaki te waaki n aoriori. Ni kakauongo raoi nakon temanna e kainnanoa te korakora, te karaurau n iango, ao te mwakuri korakora n te iango. E korakora ana kaniwanga, tii ibukina ngkanne ko bon reiakinaki raoi bwa ko na mataata.”

E waekoa n taetae te tina ibukin natina te mwaane ae 18 ana ririki ni maiu, au ataeinimwane “e aki rangin ni kakaonimaki n te taromauri, e ongoraea te euangkerio are e reiakinaki n taabo aika mwaiti inanon ririki aika mwaiti ma I reiakinna bwa, e aki rangin ota.” Ngke Amon e kawariia ana botanaomata Rimwaai, e taekinaki n te koroboki, “e . . . taekin nakoia ana kabanea n taeka te uea are Beniamina ake e reiakin nakoia, ao e kabwarabwarai nanoia nakoia ana botanaomata . . . bwa a aonga ni mataata . . .” (Motiaeia 8:3).

N ae kamataataki, mwiin te reiakinaki man irirakin ke ‘te roroko’ e bae ni kaokoro man katauraoan nanora ni moantaa ao n iri ni iai bukina.

Te kairake n ikawai ae tuai n iein e ribootinna bwa imwiin te waaki ni kakukurei n tairikin te Kaonobong ma kaain aia kurubu Kairake n Ikawai aika Tuai n iein a kainiin tao e kaniia te aoa 2 ni karangainan te Tabati, e rawea motirawana teutana

ngke e a manga uti ti ibukin kaean te Taromauri n te Tabati. Te Kairake n ikawai aei e kaotia bwa e na aki manga oki ni karaoia ibukina bwa akea te bwai ae karekeea man te bootaki n toa. Ma te tekeraoi, iai ana kekeiaki n iria, ma ngkana e ukoukorua n “nakon Kristo” bon ana kantanninga, tao ana waaki ni kakukurei are n te tairiki are mai imwaaina e na kaota mwiina anne ao e na kona n riki teutana te kaokoro.

Man tii iriiran ao tataningaan temanna riki bwa e na reireiniira ke ni kataneiaira, n aroia ake a tatauraoi n anganano, a na karika ae “bobonga raoi” mwiina nakon ae te reiakinaki ae nano n te tamnei ao te nano ni mwakuri n te onimaki, n nako ma te mwaaka ao ni karaoia. N aron te katooto, iangoa kaean te bootaki n toa ni katoa wiiki. Ngkana ara iango ae aki baireaki bwa ti na “kaea” ke “ni kaoti” ke “n roko ikekei”, ni koauana aei oin te moan waaki ae bon riai n reke, ngkana e kona ni karaoaki ti na bae n rimwi

teutana n roko n te Taromauri, n tekateka mai ibuki n te umwantabu ni kararoako ke inanon te ruu n tatanninga, n tiku n tatanninga ni kawain te naan ruu, n tuoia ara rongorongo n ara tareboon ke ara iteraniba ni kaongora ni mwaitin te tai, ni kana te toa bwa te bwai ae e na karaoaki rimwi, n taratarai taabo ake a mwaawa n tain te anene n taromauri, n akea te reitaki ni kabane ma te Atua? Ti na bae n taku ni bon nakoira, “Ma eei, I aki ira te Taromauri n te bong aei!” Nakoraoi! “I tamaroa ni kabane!” Nakoraoi!

Ni maroroakinna, ngkana ara iango ae aki baireaki bwa te “. . . nako n te auti n tataro ao ni butimwaea te bootaki n toa . . . ao ni karaoa ara anganano nakon Teuare Moan te Rietaata” (D&C 59:9–10), mwiin te reiakinaki e kona n riki ni kakawaki rakan te kaniwanga ao te bitaki n te maiu. Te nako n Taromauri e kakawaki. Te nako n Taromauri n iai bukina ni kabooa, ke n anga, nakon te Uea ara anganano, e kainnanoa te mwakuri korakora ae riaon



Unimwaane

Paul R. Coward

riki tii te nanako n Taromauri. Tera ae ti tangiria n reiakinaki mairoun te Tamnei ae Raioroi n tain te Toa? Tera ae ti tangiria n namakinnia? Tera te buoka ae ti kainnanoia? Ti tauraoi ibukin te taneiai ane e tabu anne? Te kaeka, “anne e bon kabotu” ni bon te koaua e bae ni kaota aron karakon ara katauraoi, ao ara tangira ibukin te Uea.

Ti reireinaki bwa ti na ukoukora te kan reiakinaki, n akea te nanouua ibukina te reiakinaki e uota te rabakau, e kaongoraea, e karababa te iango, e kona n riinga te nano, e kaunga te onimaki, e kona n anainano, e uota te tokanikai, ao e karikirakea aratai, ara kakaitau ao ni kabouua tamneira ao ara taarena.

Ukoukoran te rabakau n te tamnei ao ae aki irekereke ma te aro e kakawaki ao ti kamoamoaia ni kabane ake a tia ao n reitinako ni kamatebwai. Ngke ataein te reirei Ngai n te kauarinan n te kaawa ae uarereke n te taaun, irouia naake a bane aia ririki ni kauarinan, tao uoman ataein te reirei ae a waaki nako ni kamatebwai n te iuniwetiri. Ae kananokawaki, tabeman ataein te reirei a weteaki n aara ni kaota matoan te totoko ao n aki kaota karinean temanna man mwaiti ake a bon katanoatai aroaroia ae “nakoraoi” n namakinna bwa te kamatebwai n te iuniwetiri bon tii ibukiia koraki n aomata ake a kabotu ao ni kinaaki. N tiku n rau tabeua te tai ni burababa ao n aki ataibwai, Ngai mwakoron te koraki ae mwaiti arei ibukin te tai ae uarereke. Ma te tekeraoi ni boong aikai ti maeka inanon taa ike e tauraoi te reirei ae reitinako ao e korakora kaungaakina ao boutokaakina.

Inanon boowi ni kataneiai n taa ika tibwa nako, kaain te Itingaun n

Aonon te Betebek a karaoi aia marooro inanon titeiki ni kabane ni katuruturua te tua, kakawakin ao bonganen ukoukoran te reiakinaki rinanon te reirei. Te reiakinaki aei iai mwiina nakon te rooro ae rikirake ao iai inanona te reirei ni kauarinan ibukiia ikawai man anaakin taaian kooti, ni karekean te tietebiketi, tiiburomwa, tiikuri ao mwiin beebea n reirei aika uaana, ao ni waakin te babaire, “n reita nako te reirei”, n raonaki ma kataneiai n te mwakuri, ike e na iai mwiina ae riki ni karekean te atatai ao te konabwai ni kakorakorai aia konaa ma maiuia n toronibwai ara aomata n tatabemania nako ao ara utu. Teuana te katooto ae bebete, te mitinare ae e a tibwa oki ni mitinare e moana ana mwakuri n te auti ni karaobwai ao n ana taratara n taa ika a na roko e taku, bon akea te kantaninga iai. Imwiin ongoraana n taaian reirei iaon te reirei, e anaaki nanona bwa e na reita ana reirei n reiakin konabwai aika boou ao karekean mwiin beebea n reirei aika uaana. E karokoa moa ni baike a moanibwai irouna, e oki nakon te reirei, ao n tokanikai n ana konabwai ni kakoroa nanon miina.

N ana Kouru te Aono n 2016 teuana te botoniango bon karikirakean te maiu n toronibwai n te tamnei ao n te rabwata. E aki taraaki te ririki ke te reeti n aomata, ti kaungaia ni kabane bwa a na iangoi raoi aroia, ni biiti baike a moanibwai irouia ao n anganano teutana riki ni karika te otawanin ae onoti ni kaunga te reiakinaki n te aro ao n te maiu n rabwata. Bwarua te kan reiakinaki aei ao e na buokiko te Uea ni kauki mataroa. E na anga bwaintangira n

tamnei n anganiko te konaa ni karekei bwaai aika kamiimi. Ti rangin kakabwaiaki ni karekean te mwaaka ae korakora are e riaon are iroura—mwaakan ana mwakuri ni kamaiu Kristo inanon maiura. Titita Lagi Sipili Sialeipata are ana moan taetae bon tiaki te taetae n Imatang, ngkai ai 73 ana ririki ni maiu, ao e kaaina te Ekaretia n 1964. E a tia Titita Sialeipata ni beku n te Ekaretia bwa te tia reirei n te tieminari n te moaningabong e riaon 25 te ririki. Ma mwaitin te ririki n ana taneiai n anga reirei n te Ekaretia, Titita Sialeipata e bubuti ibukin anaakin teniuia te ririki ni karekean ana beebea n anga reirei n te Kuura n Tia Reirei. E bon butimwaeaki! Mai ikanne e waaki nako Titita Sialeipata nakon te Iuniwetiri ao ngkai e kamatebwai ibukin ana Mwaatita tikurii n te Nakoa ni Kairiiri n te Reirei. Ana Kouru are imwiina n rimwian ana Mwaatita bon te kamatebwai ibukin ana tikurii ae te PhD. E kamataata Titita Sialeipata, “Mai kabin nanou I kan riki bwa te anainano nakon te Rororikirake ao Kairake n Ikawai aika Tuai n Iein, bwa akea te bwai ae kaangaanga karaoana iroun te Uea ngkana a karinanoia, tataro, ao ni karaoa ae eti. I kakoaua naba bwa te reirei bon te waaki ae reitinko are ko kona ni uotia n oki nakon Tamara are i Karawa, ngke e weteira ni kaokiira.” Iai te b’ai teuana ae aki kokonaki iroun Iehova? (Karikani B’ai 18:14). Titita Sialeipata bon te katooto ae kamiimi nakon ririki ni kabane.

Iai ana boki n reirei aika mwaiti te Ekaretia, n ae a kairaki mairoun te Uea, n aron te katooto, “Aan Au Kateitei: Rabwakau, Konabwai, Katei nakon te Maiu n Toronibwai” ni

ANA ITERANIBA TE ABA

buoka temanna n tauraoi ni katamaroai maiuia. E kamatoa n taekinna Beretitenti Gordon B. Hinckley, "A na kona n akea te nanououa, a na tera bon akea, bwa te reirei e kaboo mwii. Tai kauarerekeea kawain maium. Ngkana ko karaoia, kona kaboo mwii n te tai ae okioki."

E bia buokiira te Uea n taua ma nanora ibukin "ukoukoran" te reiakinaki n te tamnei ao rabwata. E taekinna Beretitenti Russell M. Nelson, "Ibukin ara mwamwannano ae tabu ibukin nanon te aomata ni kan reiakinaki n tatabemaniia nako, ti iangoa karekean te reirei bwa te mwioko ae kororaoi n te aro. . . . Taan kairiiri n te Ekaretia aei a kaokiokia ni katurutua kakawakin te reirei. Bon mwakoron te reiakinaki ae kakawaki." Ukeuke ao ko na kunea, e reirei te Tia Kamaiu. Ngkai ti ukoukora te kairi bwa ti na kanga ni maiuakina te reirei aei ao ni karekea riki te reirei ae boni bane ibukira ao ara utu, uringa ana taeka te Uea: "Tai ukoukora te kaubwai ma ukoukoria ibukin te atatai, ao nooria, ana bwai te Atua aika raba a na kaotaki nakoim, ao ngkanne ko na riki ni kaubwai. Nooria, e kaubwai ane e karekea te maiu ae akea tokina" (D&C 6:7).

"Bukin tera ko raraoma ibukin te reirei?" e titiraki Beretitenti Henry B. Eyring, "Ibukina bwa te reiakinaki bon arora n tauraoi ni beku ngkai, ao n aki toki."

Ti na kaungaira ao ni boboutoka imarenara n tatabemaniira nako, n ae boboto riki iaoia ara roro aika rikirake ao ni kabane ake a kakauongo nakon te reirei ao ni butimwaea ni kan iria. I anga au kakoaua n reirei aikai, n aran Iesu Kristo, Amen. ■

Aomata aika Itiaki a Kaota aia Tangira ibukin Raurenakoia ma te Tia Kairiiri

Man ana Ruu ni Kaongora te Moomon

Unimwaane Kevin W. Pearson, te beretitenti mai imwaaina n Aanon te Betebeke ibukin ana Ekaretia Jesu Kristo ibukiia Aika Itiaki ni Boong aika Kaitira, e a tia ni katabeaki ma mwiokoana ae boou n ana Etekuata te Ekaretia i Salt Lake City, Utah, USA, ao ni kitana Aanon te Betebeke n Turai te ririki aei.

Unimwaane O. Vincent Haleck, te Beretitenti ae boou n Aanon te Betebeke, e taku, "A tia ni beku Unimwaane ao Titita Pearson ao n tangiriia aomata n Aanon te Betebeke ake a tia ni beku ma te kakaonimaki nimaua te ririki n nako. N taainako a katauraoi reirei aika wanawana ao n tangiraki n taabo ake a taetae iai ao n reirei. Ibukiia naake ibuakora ake a maeka n 'aban marawa,'

ti na uringnga e kanga Unimwaane Pearson ni kauringjira rinanon booki aika tabu ni korakoran kakabwaia ake a taekinaki iroun te Uea rinanon kawakinan tuua."

"Ti na bon ururingia n aroia raa aika tangiraki ao toro ake aia angano aika raraoi a riangi iai maiua aomata aika mwaiti ni kabuta te Betebeke. A waaki nako ma mwiokoaoia ae boou n te Ekaretia ao a na reitinako ni kakabwaiaia aomata n taabo ake a beku iai ao n ibuobuoki."

Te Moan Kauntira n te Beretitentii n Aanon te Betebeke, Unimwaane S. Gifford Nielsen, e taku, "E mwaiti ae ti reiakinna mairouia Unimwaane ao Titita Pearson . . . ao a rangi ni kukurei ngkai te Uea e kakabwaiaia ma mwiokoaoia ae boou ike a kaan



Unimwaane ao Titita Pearson a kaboo nakoia Aomata aika Itiaki n Aanon te Betebeke ibukin nimaua te ririki.



*Unimwaane ao Titita
Pearson a taetae nakoia
kaain te aro i Hamilton,
New Zealand.*

riki iai ma aia utu. A tia n anga nanoia ao tamneia ni katean ueana n Aonon te Betebeke.”

“Unimwaane ao Titita Pearson a katuka te aroaro n onimaki imwiia imwiin nimaua te ririki aika kamii-mi n Aonon te Betebeke,” e taku Unimwaane Robert J. Dudfield mai Melbourne, Aotiteria. “E na ururingaki ma te tangira Unimwaane Pearson ibukin nanona ni koaua ao ana tangira ibukin te Betebeke . . . Ti ururingia ma nanora.”

Ni kinaaki ibukin butimwaeakiia ni kabane aomata, te utu ae Pearson a karaoa te katawanou ni kakao i Christchurch ao Wellington ni karaoi kainnanoia aomata ake a boou i Nu Tiran, n raonaki ma naake a birinako mai abaia, taan mwaing, ao tabeman ake a ukoukora kamanoaia. A tia naba ni kawariaa aomata ake a kainnanoa buokaia ni katobibia te Betebeke. A mena i Biti ngke e orea aon te aba te Angibuaka ae Winston n te ririki aei,

ao n ibuobuoki n tarai kainnano ao ni boutoka te Ekaretia ni kaangaanga ake e na buoki ni katoki man mwakuri korakora n ibuobuoki.

Gerrick Parr, te Manatia n te Tieweti Tienta i Tonga, e kabwarabwara n ae nako n ongoraana n ana taetae Unimwaane Pearson: “Ngai ma kainnabau ti rangin kaungaaki iroun te Tamnei ngkai ti kakoaua ana toro te Uea ae kamiimi aei. E buokiira ni karekea taraan Iesu Kristo are ti tuai ni kaman nooria mai imwaaina.”

Te Itingaun n Aono ae Unimwaane David J. Thomson, Hamilton, NZ, e kariaia: “Unimwaane Pearson e a tia n riki bwa te tia ni karaoa te kakoaua ibukin te Tia Kamaiu n taabo nako ake e a tia ni mena iai n te Betebeke —nakoia mitinare, nakoia kaain te aro, nakoia naake a tio nako man te aro, ao nakoia naake tiaki kaain ara onimaki. Aomata ni kabane ataia bwa e ataa ara Mwaatita. Ti kakaitau ibukin ana mwakuri n ibuobuoki ae kamiimi.”

“I kamoamoa ana anganano te utu ae Pearson ao te tangira ni beku n te Ekaretia ao te katooto ae kamiimi bwa a kanga ni maiukina te euangkerio,” e taku Cyndee Hamilton mai Sydney, Aotiteria. “Aia anganano ni mwakuri ikai n te Betebeke e kaungaai n tangira ni maiukina raoi maiu n aron are a karaoia. Bon ngaiia katooto ao ana reirei te Uea Iesu Kristo aika tamaroa man koaua.”

E reitia Unimwaane Thomson, “Ana reitaki Unimwaane Pearson nako Nu Tiran e oki rikaaki nakon tibuna te unimwaane ae e beku ikai bwa te mitinare ae bwanin ana tai n 1907. Ibukin aia kawai n reitaki ae moan te korakora te utu ae Pearson, ko ataia n taainako bwa a tabeakiniko n aron te aomata, tao n ururingan aram, ke n titiraki ibukiia naati, ke ni kaoko bwa ko na iriira te Tia Kamaiu n ae uakaan riki. Ao antai ae kona ni mwaninga taian rongorongo ake a kakawaki ake a mena ni mwaakan ana reirei

Unimwaane Pearson: ‘Iratai ae ti riai ni kamatebwai iai ana Boki Moomon? Ni katoa bong! Ni katoa bong! Ni katoa bong!’ ‘E nga te tabo ae tamaroa ae ko na mena iai ni boong aika kaitira? Tiiku irarikin te aroka!’

Ana mwakuri ni mitinare Unimwaane Pearson e kairia, ao angin te tai ma Titiita Pearson, ria-on taabo aika rababa n Aanon te Betebekere nakon kaawa aika bubura, kaawan te taaun, ao aba aika raroa man tionako.

E reireia ana Euangkerio Iesu Kristo ni mweengaia kaain te Ekaretia, man tabo n taetae n autinibootaki aika ngkai n te Ekaretia ao ana tabo n taromauri aika tionako n te buakonikai, ao inanon boowi aika onoti ma taan kairiiri n te tautaeka ao taan tei n aro ake tabeua.

E ngae ngke e aki bebete te reitaki n ae tau n te raoiroi ni kabane are e a tia ni karaoia Unimwaane Pearson, ao aomata ake e a tia ni kakabwaiia ni kabuta te Betebekere ae koro buburana n aron te tia tei ae tabu ibukin Iesu

E reireia ana Euangkerio Iesu Kristo ni mweengaia kaain te Ekaretia, man tabo n taetae n autinibootaki aika ngkai n te Ekaretia ao ana tabo n taromauri aika tionako n te buakonikai, ao inanon boowi aika onoti ma taan kairiiri n te tautaeka ao taan tei n aro ake tabeua.

Kristo, aia taeka Aomata aika Itiaki n aban Vanuatu e buoka ni kaota te ota iaoia aika mwai.

“I tangira Unimwaane Pearson n aron ae te tia kairiiri. E taetae ma te mwaaka ae korakora ao te tamnei. Ngke e roko i Vanuatu, I namakina abara bwa e kakabwaiaki. E anganiira te korakora.” —Diana Sam.

“Bon te mwaane ae rangin tamaroa. E batu ana anganano ni buoka temanna ma temanna, n taabo nako. E tatauraoi ma nanona ae ti te arona nakoia aomata ni kabane. I tangiria ngkana iai ibuakora, ko kona n namakina kamimiin te tamnei are e iriiria.” —John Nicola

E kawaria ara utu Unimwaane Pearson. Ti aki kakaonimaki n te tai ae maan. Ma ngke e roko inanon mweengara, e aki tabe ma n taraan aron maekara. Ti tabeaianga ao ni maaku teutana, ma ngke e taetae, ti namakina te tangira ao te rau.

“E reireiniira taekan kawakinan te Bong ae te Tabati n tabuia ao tae-kan kabwakaan te kabwianibwai. Ngke e nako, e kakabwaiia mweenga- ra ao ara utu ao ni berita bwa ngkana ti kawakin tuua aikai ti na kakabwaiaki. N te bong aei ti kakoaua te berita aei ao ti kakaitau bwa te Tama are i Karawa e kanakoa nakoira. Ti motin-nanoia n teimatoa ni kakaonimaki n te Ekaretia.” —Edna & Iauko Busai

“Unimwaane Pearson bon te mwaane ae korakora ana onimaki. E taetae ma mwaakan te Tamnei ae Raoiroi, n te Maungatabu ni [Kabuta] ao ngke e kawara Vanuatu. Ana reirei e karaoa te bitaki ae korakora inanon maiu.” —Thomas Tokalolo

“Bon te tia kairiiri ae kakannato. I tangiri ana marooro. E ataia bwa

itera raa are e na buokiira ao ni kamatoaira iai. N aron te katooto, kouru n te aono a kairaki mairouna. I tangira te koaua are ti kauringaki bwa ti na kawakina te Tabati n tabuia. Aio te kouru ae kairaki, ibukina angiina mairoura a kainnanoia Aomata aika Itiaki.” —Annies Atkins.

Aia nimaua n ririki te utu ae Pearson n te Betebekere a katuka te kanikina n tamnei ae e aki manuokinaki iaoia ni kabane ake a kinaiia. ■

Aomata Aika Itiaki i Kiribati a Kaitibo ma te Membwa n te Auti n Tei mai Nutiran

Man Ana Ruu ni Kaongora te Moomon

N te tai ae aki maan n nako kairake n I-Kiribati aika kaain te aro n Ana Ekaretia Iesu Kristo Ibukia aika Itiaki ni Boong aika Kaitira a kaitibo ma te tia Tei n te Auti ni Maungatabu mai Nutiran ae Su'a William Sio i Tarawa.

Mr. Sio e tiku i Kiribati, ao imwaain anne i Tuvalu, ni kaunga te onimaki imarenaia aomata n te aba ao ni kaitibo ma aomata ni maroroakina aia kaangaanga aomata ma te otabwanin.

E ira te reitaki ni marooro n te onimaki imarenaia kaain te aro n te Ekaretia ake a iraki man onimaki tabeua n aron te Katorika, te Aro n Itibong ao taan tei man te Reitaki n Aro i Kiribati.



Kairake man te LDS ake a ira te maroro ma te Membwa n te Auti n Tei mai Nutiran ae Su'a William Sio, i Tarawa.



Kaain te Ekaretia a kaitibo ma Kaain te Auti n Tei ae Su'a William Sio, in Tarawa.

Mr. Sio bon kaain Ana Ekaretia Iesu Kristo ibukia Aika Itiaki ni Boong aika Kaitira mai Mangere, i Auckland maiaki.

Kiribati e kaitara ma kakawakin ana kakaewenako te otawanin n reitia ma kanakin te bike ao te toronibwai

iaon kawakinan te karau n oneamwin onimakinan te mwanibwa.

“N aki ongean rikin kakaewenako ni kabane aikai, aomata a kateimatoa aia onimaki iroun Atuaia, n aki rootaki aroia n aia onimaki ake a mena inanova, ao ni kakoaua bwa a na bane n

nakoraoi ma ngaiia, n aki rootaki aroia bwa tera ae e na riki,” e taku Mr. Sio.

Teuana mai buakon ana kouru Mr. Sio ngke e tiku i Kiribati bon reiakinaia te roronrikirake. E kaira te tetere ni maroro imarenaia kurubu ni kairake aika mwaiti.

“I kukurei n taraa raoi te namakin ibukiia ao aia motinnano ake a kao-taki mairouia kairake n ikawai ibukin abaia ae Kiribati.

“A tangiria n noora aia taetae ao aia katei ni kawakinaki ao ni bwaatinaki nakon rooro ma rooro ake imwina.

“Aia tangira ao motinnano nakon abaia are a maeka iaona ni boutoka reirein aia Ekaretia iaon buokan barongaan te otawanin ao kawakinan te aba.

“Te aonaaba ao bwaai ni kabane ake iaona a riai ni kabonganai kawai n motiraoi n kamatoaia utuia botanomata. E ngae n anne, ni kabane taan baronga te waaki—tiaki taan bwaibwai—iaon te aonaaba aio ao buburan kaniwangaia ao a na bukintaeka imatan te Atua ibukin tera ae a karoia ma Ana karikibwai.”

“Te roko nakon te otawanin e riai te wanawana ao te taratara raoi, kakoauan bwaai, baranti ao boraoi ma kainnanoan te aonaaba ao arona ngkai ao rooro aika a na roko, nakon kataakin uruanakiia aomata n oin nanoia ke babaire n aika aki eti.

“Te aonaaba ao ni kabane ake a maiu iaona a raka riki nakon bwaai ni kamanenaki korakoraia ke n aki uruanaki taabo. Te Atua e tangira Ana karikibwai n riki n kakukurei kamate-bwaian tamaroana nakon kakaongo-raean te iango ao te tamnei, ao tabeua mwakorona ake a na kawakinaki man uruanakina.” ■

A Kaitibo Taan Anga Reirei n te Ekaretia ibukin te TVET & te Bwabwaro ibukin Reiakinaia i Nadi

Man Ana Ruu ni Kaongora te Moomon

Te kurubu ae 55 mataniwii n reirei, mataniwii n te TVET burokuraam ao mitinare n ibuobuoki man Ana Ekaretia Iesu Kristo Ibukia aika Itiaki ni Boong Aika Kaitira a kaitibo i Nadi n ae nako, ni maroroakina kawai ni buokiiataaein te reirei n aia kouru ni kanakoraoa aia mwakuri ao reirei ni kataneiai.

“Oin te kantalinga ibukin te TVET ao te angareirei ao te bwabwaro n reiakinaki bon kanakoraoan kakorkoraan te reirei ni karikirakeaia ataein te reirei n tabeakinia ma kawai—n tamnei, reirei, rabwataia, marurungin aia iango, maekaia ao mwanenakia,” e taku Salote Maiwiriwiri, te mataniwi n te LDS Church College i Tamavua.

“Ni kabane iteran tibwangan maiuia ataein te reirei e bon kakawaki n riki n toronibwai.”

Michael Carthew, te tarekita n Reirein te Ekaretia n te Betebekene Ana Ekaretia Iesu Kristo Ibukia aika Itiaki ni Boong aika Kaitira, e taku,

“TVET e bon kakawaki n mwakoron ara reirei ae rietaata ao ti na ukoria n karikirakea ara mwakuri korakora ni kakoroa nanon kainnanoia ni mwaitiia ataein te reirei n aron ae kona.

“Ti taro te TVET n aron karekean kakawakin mwakoron aia reirei ara ataei ngke ti ukora katauraoaia ataein te reirei ma mwaitin nanoia n aron mwaitiia ibukin karababaan aia reirei ao te mwakuri ni kaineti nakon aia taarena ao nanoia. Te burokuraem e na karikirakeia n anganiiia te kakabwaia ae korakora nakoia ara kairake n aomata.”

Te bowii ae abwabwaki wiikina e tibwauaaki ni uoua te mwakoro. Uoua te bong ao te iterana e anganaki nakon ana itera te TVET ao te kauoua ni itera ni bong e anganaki nakon te angareirei ao te reiakinaki inanon te kiraatiruum.

Mr. Carthew e taku bwa the bwabwaro e boboto iaon te angareirei ao karikirakeaia taan reirei. Te kouru ana

kinaaki kakaewenako ao boraraoi iaon taratara n tamnei ao babaire ake a na kamanenaaki ni karaoaki nakon te rikirake.

“Otinakon mwiin te bwabwaro e riaon bwaai ake ti kantalingaia ni karekeabukina,” e taku.

“Ara tiim ni mataniwii a bane n taarena ao taan reirei a matoa aia iango iaon bwaai ake a na karaoaki. Iai korakoran te mwaaka ni uotakiia aomata n aroia n ikotaki n tataromwaaka te kairi ao te taratara ibukin taai aika a na roko. Ara reirei a na butiraoi ni waakirake ngkana ti karoai iango ake a maroroakinaki inanon ara tai n ikotaki.

“Bon karekean te taneiai ae korakora ibukira ni kabane ao ti tauraoi ni waakirake ma te mwakuri ae kakorka n reiakinaia natin te Atua,” e taku Cathew.

Taan reirei ao mataniwii a roko mai Tonga, Samoa, Kiribati ao Biti. ■





KAOTAN TE KAKAITAU N TE NAMWAKAINA

Mwaakan te Ongotaeka

Man te LDS Ibukin Tararua n te Utu

Te Burabeti Iotebwa Timiti e reireiia korakoran te ongotaeka ni kaoi kakabwaia aika onoti nako nanon maiura: “iai te tua . . . iaona ike ni kabane kakabwaia a kateretereaki—Ao ngkana ti karekei kakabwaia mairoun te Atua bon man te ongotaeka nakon te tua iaona ike e bon kateretereaki¹”. Ti riai n iangoa te ongotaeka n aron te tua are e tii kaineti nakon bwaai n tamnei n aron berita aika tabu, te bure, te rairannano ao taum. E ngae n anne, te ongotaeka e titebo manenaia nakon te bwai ae mamate, bwa tao marurungin te rabwata, marurungin te iango, te reitaki, te mwakuri, kamatebwai, kataneiai, ao kataumwane, ibuakon tabeua kouru aika mamate.

Te kakabwaia ae ti ukoria ibukin maiura ae mamate a titebo kateretereiai iaon te ongotaeka nakon tuan te reirei. Beretitenti Spencer W. Kimball e reirei: “Ti tabe ma mwaitin bwaai ike a iangoaki tiaki bwain te tamnei; ma bwaai ni kabane a tamnei ma te Uea, ao e kantaningaira bwa ti na ongo, ao n ongotaeka, ao n

kawakina te tua²”. Karekean te atatai ao te ota n te tua are e tararua te kakabwaia ae mamate e na buokiira n kinaa bwa ti kainanoa te ongotaeka bwa ti aonga n karekei kakabwaia akanne.

Ti aki kona ni karekeia te kakabwaia n te marurung ngkana akea te ongotaeka ni kawakinan te tua are e tararua marurungin te rabwata, ngke e taekinaki inanon Tuan te Mauri³. Ti te arona, ti aki kona n ekanako te reirei are e tararua te reitaki ma raora aika tangiraki, ao ni kantaningaia bwa te reitaki e na matoatoa. Ti aki kona n ekanako kainnaoan tararuaan tuan te mwane ao ni katokia man karaoana, ao ni kantaningaia bwa ana akea te taaraau. Ni karekean te kakabwaia ni maiura ae mamate ti riai n ukoria n ataia, ao ngkanne reiakinna bwa ko na ongotaeka nakon tua ao reirei are a tararuai kakabwaia akanne. ■

BWAAI N IBUOBUOKI

1. Doctrine ao Covenants Mwakoro 130:20–21.
2. N te Ribooti n te Maungatabu, Eberi. 1977, 8; ke *Ensign*, Meei 1977, 7.
3. Doctrine ao Covenants Mwakoro 89.